

## Canllawiau CultureStep 2018/19

Rhaglen wedi ei gyllido gan **Hodge Foundation** a **The Moondance Foundation**, mae CultureStep wedi ei gynllunio i annog nawdd newydd ac i ddatblygu ymgysylltiadau busnes sefydledig â'r celfyddydau. Trwy CultureStep, mae C&B Cymru yn buddsoddi mewn partneriaethau arloesol o bob math rhwng y ddau sector, gan gyfoethogi prosiectau a chynyddu eu heffeithiolrwydd yn y tymor hir.

### Blaenoriaethau a Meini Prawf

Rhaid i bob prosiect CultureStep fod o fudd i unigolion sydd yn byw yng Nghymru a rhaid i brosiectau fynd i'r afael ag **o leiaf un** o'r blaenoriaethau canlynol:

- **Celf a'r Amgylchedd:** annog ymwybyddiaeth o, a dangos ymrwymiad i faterion amgylcheddol drwy'r celfyddydau.
- **Celf ac Amrywiaeth:** partneru'r celfyddydau er mwyn hybu amrywiaeth mewn ethnigrwydd, rhyw, gallu corfforol, hil, credoau gwleidyddol neu grefyddol a chyfeiriadedd rhywiol.
- **Celf a Gweithwyr:** annog partneriaethau sy'n cyfuno'r celfyddydau i ddatblygiad gweithwyr ac ar yr un pryd yn ysgogi amgylchedd gweithio mwy creadigol.
- **Celf ac Iechyd a Lles:** cydweithio â'r celfyddydau i gynorthwyo lles meddyliol, emosiynol a / neu gorfforol.
- **Celf a Phlant:** ymgysylltu â phobl ifanc dan anfantais gymdeithasol yn y celfyddydau, gan wneud gwahaniaeth gwirioneddol i fywydau rhai o'r pobl ifanc anoddaf i'w cyrraedd yng Nghymru.
- **Celf a Phobl Hŷn:** ymgysylltu pobl hŷn sy'n niwediadwy a difreintiedig yn y celfyddydau, gan wneud gwahaniaeth cadarnhaol i'w bywydau, gan gynnig ysbrydoliaeth i bobl sydd fel arfer yn cael eu hynysu oddi wrth deulu, ffrindiau a / neu gymdeithas.
- **Celf a Threchu Tlodi:** partneru'r celfyddydau i wella bywydau pobl heb adnoddau digonol i ddarparu safon byw derbynol sy'n eu galluogi i gymryd rhan lawn mewn cymdeithas.

### Rhaid i bob prosiect ddangos:

- Amcanion busnes clir ar gyfer buddsoddi yn y bartneriaeth.
- Y potensial i ddatblygu perthynas gynaliadwy glir rhwng y naill barti.
- Gwerth am arian.
- Y gallu i reoli a chyflwyno'r bartneriaeth.
- Cynlluniau priodol ar gyfer credydu a gwerthuso.

### Faint y Gallaf Geisio Amdano?

Mae CultureStep yn annog cynaliadwyedd buddsoddiad busnes ac yn rhoi cymhelliant i noddwyr newydd. Gall partneriaid celfyddydol wneud cais am hyd at **£1 o fuddsoddiad CultureStep am bob £2 o fuddsoddiad gan y partner busnes** ar yr amod bod y bartneriaeth naill ai:

- ✓ Yn ei blwyddyn gyntaf
- ✓ Yn ei thair blynedd gyntaf ac mae buddsoddiad y busnes wedi aros yr un fath bob blwyddyn neu wedi cynyddu ym mlwyddyn 2 ac/neu 3, neu
- ✓ Wedi bodoli am fwy na 3 blynedd ac mae buddsoddiad y busnes wedi cynyddu o 20% o leiaf ym mlwyddyn 4

Os, ar ôl tair blynedd, mae buddsoddiad y busnes wedi aros ar yr un lefel neu wedi cynyddu o lai na 20%, uchafswm buddsoddiad CultureStep yw £1 am bob £3 a fuddsoddir gan y partner busnes.

Y lleiafswm o fuddsoddiad gan fusnes sy'n ofynnol yw £1,000.

Lleiafswm buddsoddiad CultureStep yw £500. Uchafswm y buddsoddiad trwy CultureStep yw £15,000.

## Sut Mae'n Gweithio?

Neilltuir Rheolwr C&B Cymru i bawb sy'n gwneud cais i CultureStep i gynghori'r ddau bartner ar y broses. Caiff y penderfyniadau eu gwneud gan Banel CultureStep, sy'n cynnwys uwch gynrychiolwyr o fyd busnes, y celfyddydau a'r sector cyhoeddus a chaiff ei gadeirio gan Brif Weithredwr C&B Cymru. Fe gyhoeddir dyddiadau'r cyfarfodydd a therfynau amser gwneud cais ar wefan C&B Cymru – [www.aandbcymru.org.uk](http://www.aandbcymru.org.uk).

Unwaith i chi ddarllen y canllawiau hyn, mae'r broses o wneud cais ar gyfer CultureStep fel a ganlyn:

- ✓ Cysylltwch â C&B Cymru i gael trafodaeth gychwynnol am eich prosiect. Os ydych yn gymwys i wneud cais, bydd C&B Cymru yn e-bostio ffurflen gynnig i chi.
- ✓ Cwblhewch y ffurflen gais mewn ymgynghoriad gyda'ch partner a'i gyflwyno i C&B Cymru dros e-bost, dim hwyrach na'r dyddiad cau a gyhoeddwyd.
- ✓ Bydd C&B Cymru yn eich hysbysu am ganlyniad eich cynnig o fewn 2 ddiwrnod gwaith i gyfarfod y Panel.
- ✓ Os byddwch yn llwyddiannus, byddwch yn derbyn Amserlen a Llythyr Cynnig gan roi manylion am unrhyw amodau i'w bodloni cyn y gellir talu.

Os bydd buddsoddiad CultureStep yn fwy na £1,000, bydd y taliad fel arfer yn cael ei rannu fel 70% ar ôl derbyn y Datganiad wedi'i lofnodi a 30% ar ôl derbyn adroddiad gwerthuso boddhaol a datganiad ariannol. Os bydd buddsoddiad CultureStep yn is na £1,000, bydd taliad llawn yn cael ei wneud ar ôl derbyn adroddiad gwerthuso boddhaol a datganiad ariannol.

Sylwch y bydd C&B Cymru yn adolygu prosiectau fesul achos unigol.

Mae penderfyniad Panel CultureStep yn derfynol. Nid oes proses ar gyfer apelio.

## Cymhwyster ac Eithriadau y Rhaglen

### Cyfyngiadau ar Fuddsoddiad

- ✓ Rhaid i arian ddod o gronfeydd y busnes ei hun, nid cronfeydd trydydd parti. Lle caiff taliadau eu rhannu, bydd y cyfanswm yn cael ei ystyried wrth benderfynu lefel y buddsoddiad. Ystyrir gwariant ar farchnata, cysylltiadau cyhoeddus neu hysbysebu lle mae'n cefnogi'r prosiect yn benodol. Efallai bydd C&B Cymru yn gofyn am dystiolaeth i ddangos hyn.
- ✓ Rhaid i brosiectau fod o fantais i'r partner busnes. Ystyrir buddsoddiad gan ymddiriedolaeth elusenol busnes dim ond os gall y prosiect ddangos budd gwirioneddol i'r busnes sy'n gwneud elw.
- ✓ Nid yw prosiectau sy'n ddigwyddiadau cymdeithasol yn bennaf neu'n bartion yn gymwys am fuddsoddiad.
- ✓ Rhaid i brosiectau cymwys nodi arian busnes newydd y tu hwnt i unrhyw berthynas fasnachol sy'n bodoli rhwng y partneriaid.
- ✓ Gall buddsoddiad busnes gael ei wneud i'r prosiect yr ydych yn ymgeisio amdani neu i ehangu a dyfnhau partneriaeth sydd wedi dechrau o fewn y 12 mis blaenorol. Fodd bynnag, ni ellir defnyddio buddsoddiad CultureStep yn ôl-weithredol.
- ✓ Lle bydd nwyddau, tocynnau a gwasanaethau yn cael eu prynu ar gyfer prosiect, gall C&B Cymru buddsoddi yn eu pris cost yn unig. Lle bydd tocynnau yn cael eu prynu ar gyfer cyfranogwyr y prosiect, mae C&B Cymru yn gofyn am strategaeth a fydd yn sicrhau niferoedd ac efallai y bydd angen tystiolaeth o dderbynneg tocyn / data swyddfa docynnau cyn talu am docynnau.

## Buddsoddiadau Mewn Nwyddau

Gall buddsoddiad mewn nwyddau gael ei gynnwys mewn prosiect fel elfen o gyfraniad y busnes. Bydd y panel yn ystyried partneriaethau sy'n cynnwys 100% o fuddsoddiad mewn nwyddau ond mae rhaid i gynigion o'r fath ddangos cost gwirioneddol i'r busnes.

Nid yw amser staff i gymryd rhan mewn prosiectau neu reoli bartneriaethau (gan eithrio gwasanaethau proffesiynol) yn gymwys.

### Yr hyn sy'n cael ei gynnwys

- ✓ Gwasanaethau proffesiynol a ddarperir i gynorthwyo'r prosiect e.e. Cyfreithiol neu Gyfrifeg.
- ✓ Rhodd cynnyrch neu benthygiad nwyddau a ddarparwyd i gynorthwyo'r prosiect am bris cost (nid adwerthu).
- ✓ Refeniw a gollir yn sgil cyfraniadau a wneir at y prosiect, e.e. lleoliadau yn cael eu rhentu.
- ✓ Addasu adeiladau neu ddarparu manau neu gyfleusterau.

## Cyfyngiadau ar y Partner Celfyddydol

- ✓ Mae CultureStep yn agored i aelodau celfyddydol C&B Cymru yn unig.
- ✓ Dylai sefydliadau fod naill ai'n elusen gofrestredig neu'n sefydliad a sefydlwyd yn gyfreithiol fel cwmni dosbarthu di-elw. Bydd sefydliadau celfyddydol masnachol yn cael eu hasesu fesul achos unigol.
- ✓ Gall artistiaid unigol fod yn gymwys lle maent yn aelodau o gymdeithasau proffesiynol perthnasol neu yn gallu cyflwyno enwau 2 ganolwr. Gall C&B Cymru ofyn am argymhelliad Cyngor Celfyddydau Cymru.

## Cyfyngiad Daearyddol

Bydd CultureStep yn buddsoddi mewn partneriaid celfyddydol a leolir yn y DU sy'n ymgymryd â gweithgaredd sydd o fudd uniongyrchol i Gymru yn unig.

## Cyfyngiadau'r Rhaglen

Gall partner celfyddydol neu fusnes wneud cais i CultureStep hyd at 3 gwaith mewn un flwyddyn ariannol ar gyfer prosiectau ar wahân, ar yr amod nad yw'r buddsoddiad cyfan gan C&B Cymru yn fwy na £15,000.

## Ceisiadau Cydamserol

Ni all unrhyw sefydliad wneud cais am fuddsoddiad C&B Cymru fel y partner celfyddydol a busnes yr un pryd.

## TAW

Os bydd derbynnydd CultureStep yn darparu gwasanaethau sy'n destun TAW mewnbwn, ni fydd unrhyw arian ychwanegol yn cael ei ddarparu gan C&B Cymru. Pan fydd busnes yn cael budd-daliadau nawdd ar gyfer eu buddsoddiad ystyrir bod hyn yn gyfnewid gwasanaethau ac felly mae TAW yn daladwy gan y busnes.

Mae CultureStep yn grant nad yw'n ddarostyngedig i TAW allbwn.

## Dilysrwydd Cynnig

Oni bai y cytunir yn wahanol gyda C&B Cymru, mae'n rhaid i bob derbynnydd:

- Llofnodi a dychwelyd yr amserlen o fewn 1 mis o'i roddi, a dechrau'r prosiect o fewn 6 mis wedi hynny.
- Cwblhau'r prosiect o fewn 6 mis o'r dyddiad gorffen cytunedig, o fewn ffrâm amser o 18 mis.
- Dychwelyd y gwerthusiad ac adroddiadau ariannol terfynol i C&B Cymru o fewn 3 mis i ddiwedd y prosiect.

Bydd prosiectau sy'n methu â chydymffurfio â'r amser a gytunwyd yn colli eu hawl i'w buddsoddiadau olaf. Mae C&B Cymru yn cadw'r hawl i dynnu buddsoddiadau yn ôl, neu gofyn am ad-daliad, yn gyfan neu yn rannol.

## Arweiniad Credydu Buddsoddiad

Mae'n amod o fuddsoddiad CultureStep bod yr holl dderbynwyr yn ymrwmo i gydnabod yn gyhoeddus ein cyfranogiad, a chyfranogiad y partner(iaid) busnes. Gall C&B Cymru rhoi cyngor ar y ffordd orau i wneud hyn.

### **Adrodd Ariannol a Gwerthusiad**

Mae'n rhaid i holl dderbynwyr CultureStep baratoi adroddiadau gwerthuso ac ariannol manwl yn nodi sut y defnyddir y buddsoddiad ac unrhyw wybodaeth arall a ofynir yn rhesymol gan C&B Cymru. Bydd canllawiau yn cael eu hanfon at ymgeiswyr gyda'r ffurflen gynnig. Gellir wneud cais i dalu cost gwerthusiad fel rhan o gynnig. Ni fydd C&B Cymru yn edrych yn ffafriol ar sefydliadau / unigolion sydd wedi derbyn buddsoddiad o'r blaen ac wedi methu cynhyrchu adroddiad gwerthuso priodol.

### **Recordio Prosiectau**

Dylai prosiectau CultureStep gael eu dogfennu yn weledol (e.e. ffotograffiaeth, film ayyb) a'i rhannu gyda C&B Cymru fel y gall etifeddiaeth barhaol gael ei greu.

### **Gwobrau Celfyddydau & Busnes Cymru**

Disgwylir i brif partner pob buddsoddiad CultureStep gyflwyno enwebiad i Wobrau C&B Cymru, ar yr amod fod y prosiect yn cael ei ystyried yn llwyddiannus gan yr holl gyfranogion.